



UNIVERSITÄTS-  
BIBLIOTHEK  
PADERBORN

**Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

Titvlvs XVI. De Sacramentis non iterandis.

---

[urn:nbn:de:hbz:466:1-61641](#)

## TITULUS XV.

## DE SACRA UNCTIONE.

**V**arias unctiones esse ex cap. uni. hujus tit. pater. Unguntur Episcopi, dum consecrantur, Sacro Chrysante in capite, & in manibus; unguntur etiam Sacerdotes, dum consecrantur oleo simplici benedicto in manibus; unguntur hoc etiam oleo benedicto Reges aliqui, dum coronantur, in brachio & humero; unguntur oleo infirmorum moribundi; & omnes Christiani, prius quam baptizantur, oleo simplici Catechume-

norum unguntur in pectore, & in scapulis, & post Baptismum à baptizante sacro Chrysante unguntur in vertice; ac tandem etiam hoc sacro Chrysante unguntur ab Episcopo in fronte, quando illis confertur Sacramentum Confirmationis &c. & præter has unctiones hominum unguntur etiam quædam vasa sacra, Altaria, Ecclesiæ, dum consecrantur, &c.

## TITULUS XVI.

## DE SACRAMENTIS NON ITERANDIS.

**E**sse Sacraenta aliqua, quæ iterari non debent, ex Catechismo pater, Baptismum scilicet, Ordinem & Confirmationem, de quibus in hoc etiam titulo agitur, ubi potissimum id assertur, quod in talibus Sacramentis, si quid in illorum administratione, vel ex incuria, vel ex alia negligencia, aut malitia omissum fuit, caute postmodum supplendum sit, si scilicet id, quod omissum est, ritus tantum accidentalis sit; vel si substantiale quid omissum sit, caute (utne aliis rudibus scandalum detur) supplendum quidem sit, adhibitis tamen aliis etiam substantialiter ad valorem Sa-

cramenti requisitis, quamvis hæc prius adhibita fuissent; cum enim omissum prius sit substantiale aliquod, sacramenta autem suum valorem non habeant, nisi simul omnia substantialia adhibeantur, consequenter, si diversis temporibus jam hoc, verba v. g. jam illud substantiale, materia scilicet ponatur, Sacramentum non conficietur, & consequenter etiam, si omissum prius substantiale quid, materia v. g. fuit, quamvis sola verba posita sint, postmodum autem materia omissa cum verbis ponatur, non dicetur iteratum Sacramentum tale, quia prius nunquam collatum fuit.

Q. 3

TITV-